

Ningzmingz:
Sevei Soengq Simndei Lwghag Sim Angqyangz
宁明：社会献爱心 学子好欢心

8 nyied 2 hauh, Ningzmingz Yen Haijyenh Cin Hoihyangh-yenz bouxfucwz hawj Ningz Meijvaz, Ganh Yenjdungh, Ningz Caijyiz, Vuz Veihenz daengj 4 boux hagseng bineix cunghgauj aeu cienz A cingzcik ndei faenbied gauj hwnj Binhyangz Cunghyoz, Vujmingz Gauhcungh, Gvangjsih Minzcuz Swhfan Yozyen Fusuz Cunghyoz neix moix vunz fat 800 maenz ngaenzgien banghag.

Ciuq cam rox, Ningzmingz Yen Haijyenh Cin soqlaiz cungj dwg gingq sae naek son, moix bi

seizcou haihag gonq, aen cin neix hoihyanghyenz, sevei gak gyaiq vunz cungj doxcanj dwk gien cienz hawj doenghboux lwghag daegbied dwg lwghag gungzhoj youq ndaw cungh, gauhgauj cingzcik ndei haenx guh ciengjli caeuq bangcoh, aen conzdungj ndei neix daengz seizneix gaenq lienzdaemh le 20 lai bi.

(Couh Yizgangh/周贻刚
Luz Couh /陆洲)

► Gien bang yienhciengz.



Denzlinz: Banh Ban Beizyin Sujgyaj Siuj-hagseng Cozvwnz Mbouj Aeu Cienz
田林：举办暑假小学生作文免费培训班

7 nyied 29 hauh daengz 31 hauh, Denzlinz Yen Duzsuhgvanej banh le 3 ngoenz ban beizyin siujhagseng cozvwnz mbouj aeu cienz.

Beizyin neiyungz miz: It lienh sij caeuq doxdax camdap cwngzyij; ngeih doeg gak loih faenzcieng lauxsae daezhawj caeuq hagseng laemzseiz gag senj doeg haenx faenbied guh 6 cungj doegsaw bitgeiq(couh dwg yiengh baegaij, yiengh cauloeg, yiengh daezgang, yiengh dijvei, yiengh ciemsaw, yiengh mbawceij iq). Yienzhaeuh hawj hagseng giethab bonjfaenh doeg faenzcieng roxyiuj gij cungsim swhsiengj, cawjdaez caeuq daegdiemj, gijfaz, siengjap haenx, sij ok bonjfaenh yawjap caeuq cujcangh, haujlai hagseng cungj ndaej youq gvidingh seizgan ndawde guhsat cozvwnz gwnzdangz, ndawde miz boux hagseng haj nienzgaep he ngamq yungh 30 faencung couh sij ok bien faenzcieng 570 lai cih ndeu, vanzlij sij cih saw ndei cingq, gawqvah doengswnh, mbouj miz loeklaeuh, mbouj miz catgaij.

(Fungz Cunhvang/冯春旺)



▲ Gyoep cwngzyij doxdax ciengj camdap.



▲ Ban beizyin haiban yizsi yienhciengz.

Vanzgyangh: Banh Aen Ban Beizyin Diuqfoux Eufwen Mauznanz
环江：举办毛南山歌舞培训

Vih caenh' itbouh haivat, swnjcienz, baujhoh diuqfoux ndawbiengz caeuq gofwen Mauznanz daengj vwnzva conzdungj ndei, daezsang Mauznanzcuz vunzlai vwnzva gagsaenq, demgiengz minzcuz swcunhsinh caeuq swhauzganj. 7 nyied 28 hauh, Vanzgyangh Mauznanzcuz Swciyen Minzcunghgiz youq Yananz Yangh gawjhengz ban beizyin diuqfoux ndawbiengz caeuq fwengo Mauznanz haiban yizsi.

Ban beizyin yozyenz cujyau daj Yananz Yangh gak aen mbanj doengh boux seizhoengq gag haengj diuqfoux eufwen caeuq hagseng Yananz Yangh Cungsime Siujyoz, mingznggag faenbied dwg 40 vunz caeuq 60 vunz. Boux seizhoengq giva beizyin 20 ngoenz, siujhagseng giva youq haihag le yungh roengzdangz seizgan guh. Beizyin sat le, yaek laebguh Yananz Yangh Mauznanzcuz Ndwabiengz Gofwen Yisuzdonz caeuq Yananz Mauznanzcuz Gyaepva Faexcuk Yisuzdonz.

(Mungz Siyiz/蒙是宜)

Baijdaiz Doxdax Seujsiuq Fwngz Giuj Bang Vutgungz
刺绣擂台赛 巧手助脱贫



▲ Mehmbwk seujsiuq youq gwnz daiz doxdax seujsiuq.

yien fwngz daxmeh" mehmbwk vutgungz mehmbwk bakranz bonjfaenh lingzvued guhhong.

(Yi Liengzgenz/郁良权)

"Aeu doxdax coi hag, aeu doxdax coi lienh, aeu doxdax coi guh", 7 nyied 29 hauh Yungzsuij Myauzcuz Swciyen Fulenz youq "Gvangjsih Ginhsiugiuz Gihgyah Lingzvued Guhhong Guhyiengh Gihdi" ——Yungzsuij Myauzginj Vwnzva Cungsime baijdaiz doxdax, 40 lai boux mehseujsiuq daj daengx yienh gak aen yanghcin daeu haenx youq gwnz daiz gaiq daih' it "fwngz giuj bang vutgungz" doxdax con cim yinx sienq seujsiuq, gak vunz gag maenhak, gyoengqde dwg bouxvunz lingxdaeuz ginghci byaifwngz ndaw lueg, doenggvaq beij dinfwngz, aeu aen mozsi "it daiq it" "it daiq cib" caezgya doidoengh "canjyiez daengz ranz, hengzdoengh, daiqdoengh engq lai gungzhoj